


福建通志



福建通志



明八

林欽承字君修莆田人嘉靖壬午舉人除南樂教諭國子監博士案權南京戶部郎中權稅淮安關清介自持以稅銀寄山陽庫按案案解時州部程秀民以敏決工部陳亮以博雅決承以清操號三君子等出為思恩知府值虛應蘇閩等亂討擒之調黎平善撫夷民權長廣鹽運使減積逋十餘萬致仕歸與諸老結社賦詩以終子廷陞萬曆庚辰進士授行人選戶部主事督餉小離親歷水次宿蠹一清歷郎中出知雷州府摘巨寇鄭紹龍等數十人賊黨解散颶風壞海岸築長隄衛田萬頃擢廣西按察副使岑溪猶亂督府檄守蒼梧調兵督戰斬獲千餘人提調進三品俸致仕卒孫錦字毅卿萬曆丙子舉人知臨淮縣中使李鳳以礦稅至所過騷擾錦力與抗遂被誣奏廷杖下獄後因災異得釋里居十餘載以薦起而錦已卒錦杖擊時臨淮民日夜禱神其詞有曰趙廣漢之蒙冤萬人伏闕夏福建列傳明八

福建通志卷三十四

侯勝之繫獄終日授書天啓初贈尚書司少卿閩書

吳世澤字宗仁連江人嘉靖癸未進士知廬陵縣以清慎稱歷南京禮部主事擢吏部驗封郎中出知嚴州府遂安礦賊剽掠世澤擣其穴禽之僑婆大水預為之備民賴以安泊行緝第一擢廣西按察副使分巡府江道別吏蠹端士習復流移通商賈諸績隸府江者故多桀驁世澤嚴為武備而德以懷之諸鄰峒復業者千餘家江道肅然祀名宦

朱測字必東莆田人正德丙子鄉試第一嘉靖癸未進士明年春與同縣

馬明衡並授御史昭聖皇太后與大學士楊廷和定策禁中迎立世宗而世宗事后顧日益薄與獻太后誕節勅命婦朝賀禮賚倍常及后誕日勅免賀測為御史甫閱月言皇上孝事兩宮當如一日與獻太后聖誕既已朝賀昭聖誕辰乃聞報罷禮數頓殊所閱章細昭聖聖神器以授陛下母子至情天日昭鑒決旬之間而一廢一行彼此相較形迹大著今日之禮母后雖或固辭皇上尤宜敦請乃傳免之旨出自陛下何以慰孝宗在

天之靈副天下臣民之望明衡亦言暫免朝賀在恆時則可在議禮紛更之時則不可時常垂欲尊所生而羣臣必欲帝母昭聖相持未決二人疏入帝悲且怒曰免朝自皇太后懿旨朕豈有開焉立捕至內廷責以離間宮闈歸過於上下詔獄拷訊侍郎何孟春御史蕭一忠論救皆不聽御史陳海季本員外郎林應聰繼諫帝愈怒並下詔獄遠謫之帝必欲殺二人變色謂閣臣蔣冕曰此曹誣朕不孝罪當死冕膝行頓首請曰陛下方興堯舜之治奈何有殺諫臣名良久色稍解欲免之冕又固請繼以泣乃杖八十除名為民兩人遂廢湖居家以奉親為娛公府絕無私干至鄉里利病必與有司言之如里甲協辦者率當破產誅貽書同年按察使周廷種言其弊廷力贊巡按御史趙應祥革之民永賴焉所著文詞無一怨尤語誦之想見其人隆慶元年贈光祿少卿以上道光舊志

福建通志卷三十四

福建列傳明八

人哉即上疏言臣荷國家作養垂三十年亦思效犬馬之報伏望陛下欲親奉梓宮合葬顯陵天下莫不以為大孝臣愚以為天子之孝在於敬天法祖子養元元計安社稷區區親奉梓宮未足為至也古帝王巡幸方岳而民不病者兵衛寡而供御約也今乘輿一動百官宿衛盡從郡縣除道築宮境內文武將吏當朝行在費以億萬計非所以子元元安社稷也臣聞河南北泊湖廣諸處頻年水旱有司聞天子將臨已預徵來歲租賦為不時之需百姓皆賣兒斥產以應追求愁苦萬狀此就為陛下言者誠勸二三大臣奉梓宮而南孰敢不肅臣草莽不識忌諱如其無當願斬臣以謝四方帝震怒下詔獄杖之擬戍極邊會駐蹕真定行宮火扈卒過江潭多墜者帝念良梟言釋為民等授縣尉既而罷歸種誦讀書以終老隆慶改元錄用言事諸臣時良梟已老有司上其事未命卒聞書天目先生集再銓字廷貴泉州人其先六合人五世祖海調泉州衛指揮世職遂為晉江人銓生而穎異標望絕人年十六承襲嘉靖初劇賊九十三等擾郡縣

鈺督永春兵據阻隘扼之賊不得肆時號為唐公隘久之移小捏把總申號令嚴烽燧海上晏如調永寧衛雅尚儒術日與文人學士往來藝告休李杏字子芳永安人居父喪哀毀廬墓嘉靖乙酉舉於鄉北上道聞母疾即日奔還母卒喪之如父後除東昌推官堅守清操民謠云李侯佐府治但飲東昌水李侯奉院牒妻子喫榆葉撫按交薦擢南京大理評事轉寺正遷四川按察司僉事奉命採礦西番遠涉瀘水應給惟受蔬米竣事乞休即行巡撫以應得柴馬金送至其家不入私聚買田以供祀事餘闕里黨之貧者年八十一卒遺命服用布素毋使有越禮者鄉人宗之

陳煥字邦進寧德人父字字時清性清高自謂平生慕真隱而有山水真樂玩遊真境詩書真味吟咏真趣號五真居士喪第嘉靖癸未進士授御史曾議祀典獻帝於太廟褒疏言今日之事實與周文王不同陛下承祖者也其序傳之武宗不宜復立廟廟等乞終養十餘年起原官巡按江西夏言為相欲毀民居以益苑囿褒書諷止之人為之危獲曰吾寧危一身福建列傳明八

福建通志

三

不忍見百姓離析之慘也尚書霍瑄歎曰真御史也卒以忤言謫韶州推官去之日父老攀轅留其父再為潮州州判久之稍遷慈谿知縣受淫祠以祀吳閩澤唐房瑄蓋有淫於祠者遷松江同知值新設青浦縣事悉委之經略縣成提贛西按察司僉事時總督張岳方大征柳州馬平撞聞褒至喜曰事集矣遂檄募各州兵征剿平五都諸處功垂成值言再起為相御史呂光珣希指劾褒遂罷

林應標字君儀莆田人嘉靖癸未進士授禮部主客司主事是時為王客司郎中者陳九川也天方國貢玉九川別好醜過當又怒晉譯者胡士紳等夷人皆怨等失玉士紳等因詐為夷人怨詞計奏九川時張孚敬方欲撥費宏相位誣九川以貢玉醜宏九川坐下詔獄乃委罪應標自解應標並繫受杖不自白久之夷人再對王譯者問之曰是日就王爾因熟視應標夷數搖首指九川撫掌頷之朝士皆稱應標長者等出為江西按察司僉事案遷廣東按察使轉江西右布政使遷左江西歲出籍錢數十萬市

上方物輸內府嚴嵩當國前官率聽其子若婿與賄僉之徒司之應標至嵩女婿袁應樞復以請力拒之先是藏中無名錢前使軌括以遺嵩應標誠封識慎覓庫無纖毫開用坐調山西晉府以子錢獵食諸王子祿應標每給祿必召諸王子以次面受晉府積空券無從洩憤撫他事訟關下嵩從中可其奏應樞歎曰吾獨不念主客時不自白耶越裝歸子燦章燦章燦章字繼顯嘉靖庚戌進士歷工部郎中出為貴州按察副使備兵威靖十七司土酋薛紹榮輩久構兵逼賊燦章至約身率下諸酋稍稍受要束賦亦復復官以平印水逆苗討白泥司叛酋功兩拜帑金之賜晉安州判胡士功以墨敗巡按下燦章按治而巡撫趙某以姻好故為周旋燦章不應巡撫疏論候勘歸御史蔡廷臣按部至疏白其事起雲南參政據貴州按察使牙州之役當事急首功燦章悉召諸護軍為稱引古名將事誠妄殺賊平案遷雲南右布政廣東左右布政至官踰月裁冗費議後法尋以察典調人駭惜之燦章簡質寡言權門要津遠之若浼生平操履酷似福建列傳明八

福建通志

四

其父云萬姓統緒道光舊志方一桂字世芬莆田人與兄一蘭同第嘉靖癸未進士一桂除蒲圻知縣調宣城以治行擢御史巡視居庸關條邊務十二事繼按山東請墾荒地以增營田正孔廟從祀以定禮制俱報可時左僉都御史史道協掌院事以聖誤朝儀勒回籍一桂言大臣不宜以細事捐忤旨廷杖二十尋還職晉北畿學政復疏言吏部尚書汪鋐納賄枉法狀且言陛下杜天下之口已三年矣帝大怒復廷杖六十削籍卒於家隆慶初贈光祿寺少卿一蘭字世佩歷官禮部郎中亦以議禮被杖閩書曾仲魁字斯達晉江人嘉靖癸未進士知順德縣值歲饑路多殍遂開廩平糶煮粥和藥民氣漸蘇邑貢山阻海為盜結仲魁募卒除戎器謹候微盜發必得盜乃息既而立社倉建社學訓課業俱有條式繼之者為荆門袁鉞政與相類邑人以比召杜擢禮科給事中監京庫局東南百物之貢皆中官主之民輦輸入官主者求賄無藝仲魁剔刷盡本主者夜懷

千金求稍寬弛伸魁正色曰吾以上聞若等當死貨若死而已監法不可弛也其人悔退轉刑科右給事中冊封靖江王已出知嘉興府以母老乞養歸母卒服闋補池州節憲尉傳會御史陳某以巡江歲滿檄取紙筆費伸魁曰吾知爲民不知爲御史胥吏也御史上疏論劾遂罷歸

王德益字樸中連江人嘉靖丙戌進士知蕪湖縣值旱饑先期請蠲民租十七蘇里甲設役夫清弊傳皆秩然有法民爲樹碑紀績調慈谿鳴鶴鄉去縣治稍遠盜賊充斥每親詣其所糾察緝捕旬月間盜遂屏跡又擇其子弟可向學者聚教之考校獎掖售俗一變潘杜白二湖以舊民田權御史首劾李鉞鄭爵不法中官咸惕息時嚴嵩柄國朝士爭赴之德益岸然自異等勦理長蘆鹽課會湖廣巡撫都御史姓相以任雲南時取象牙樣金爲部使者葉奇所糾相行賄富道反罪奇令致仕德益上疏固爭略言大臣身被論劾舊無奏辦之例御史職司糾察原無迴避之嫌此祖宗朝廷定例所以獎借言官以儆有位者也奇劾相所取牙貨等物動以百數

福建列傳明八
五
福建通志卷三十四

穢濫極矣相則以爲舊規此道詞也嘉靖初年詔書凡州縣官遇親職往來餽送土儀者有禁信如相言足明詔所及獨祭於州縣而略於方面之官也且奇劾相貪皆有所據非涉風聞相既被振猶振早聲勢以動人聽其奸可知實足以殃民奸足以盡國乞正其罪疏入被譴歸既而撫按交章薦再以御史召復按廣東風紀大振時朝廷問罪交趾莫登庸屢表乞降或以黎甯爲疑德益言甯真僞未審帝王之馭小國也道則震之以威順則綏之以德若登庸父子尚負其頑者自宜大舉王師必誅無赦今則畏威懷德屢次乞降伏望俯垂寬宥待之以恩賜之以不死廷議如其言受登庸降會劾屬吏贓忤當道諱外補松江推官終廣西僉事德益前後入侍內臺出按兩省皆有聲以不能脂韋權貴弗究其用士論惜之連江故無城屢有寇患德益作荒城議陳之於是始城

鄒守愚字君哲莆田人嘉靖丙戌進士應戶部郎中議行平糶法奏發帑金賑陝西饑劾諸中貴冒芻糈招納亡命出知廣州府訟劇政多循撫

守愚一處以至誠嘗辦誣獄釋繫成被繫者數百人有人廋人烹雞雜以茹羹色黑御史以爲毒已也坐以重罪守愚疑之令人如所具烹馬亦黑力爭御史前御史情乃釋之新會民激於饑遺聚海陵爲變監司招之不應曰必鄒使君來守愚單騎往民望見輒泣泣解散未幾屬搖迫於閩帥將大訂亦得守愚一言遂解其威信服人如此郡人以比宋余靖方大琮二人皆知廣州者也安南不庭嘉靖十八年命兵部尚書毛伯溫按兵境上從便撫勸之守愚與梧州知府翁萬達並以才略聞伯溫皆致之幕下等擢守愚廣東按察副使協理兵務疏陳五事皆見採納聞父訃奔喪歸安南降論功受上賞服闋起江西承撫提學孰拔多知名士進湖廣參政授方畧禦苗苗苗通德饒使宜發長沙備兵米賑之被誣調山東又改河南歷左布政使師尚詔詔歸德諸州郡平之汴河溢成且歉盜起梁宋開詔進守愚右副都御史巡撫其地進戶部右侍郎綱紀大飭關心文獻修河南通志以典要稱三十五年二月山陝河南地震命守愚祭告山

福建列傳明八
六
福建通志卷三十四

川賑恤災民還至河南道病卒賜祭葬贈右都御史謚襄惠薛一子入監守愚宏豁爽闊平居不見喜愠臨大事臨發立敗歷中外均著廉聲祀廣東名宦

林雲同字汝南莆田人第嘉靖丙戌進士選庶吉士以不諱時宰改授戶部主事權視九江作普江文自勵毋至隨發及代計羨金千餘徹寄府藏不持鉅珠歸還禮部員外郎同考會試出爲浙江按察司僉事領提學道調河南兵備推廣東副使仍領提學立五經書院開列郡士肄業其中轉浙江參政進右布政使時左布政爲建安李默與雲同並負時名浙人稱盛事入覲行囊蕭然廷旌治行第一轉左時夏言屬巡按脫一重辟雲同正色曰官可去此囚不可出言銜之未幾言罷乃擢副都御史巡撫湖廣值辰沅師興督府檄取行糧數十萬雲同曰楚比歲不登可竭澤平奏貸輸邊成例累十五萬給之宗藩驕恣雲同裁以法咸聽約束屬縣李廷春者以賄遷御史昵於嚴世蕃雲同疏劾之廷春亦自辨世蕃從中摘之坐

回籍聽勘廷春卒職職隆慶元年起為刑部侍郎遭右都御史掌南院事
南京習後靡雲同刊立會約節浮費去苛禮俗為一變給事中四星陸鳳
儀以言事優罪抗疏救之明年就還南京工部尚書以歲時奏免江南十
縣應課十之五疏請老溫旨慰雷章五上乃允萬曆初起南京刑部尚書
再辭不允至則按江寧知縣侵沒刑部庫銀事論如法越月復復職乃賜
乘傳歸卒年七十八贈太子少保諡端簡雲同端方樸古甫自林俊後完
璞純名於雲同再見云

王宗濬字志達晉江人嘉靖丙戌進士授戶部主事請覈餘銀以防侵沒
復水兒以積餘糧等奉命督淮安倉廩諸弊悉除中徽王疏請自賦於
民宗濬言於尚書梁材曰宗室自賦有司無由稽察得任意征求民當益
困故祖宗無此法也材深然之遂寢徵王詎謂帝帝大怒左遷材為侍
郎逮宗濬詔獄等譴廣東市舶提舉等大埔知縣呂新建在萬山中貴豪
恣張破法為民患宗濬重懲之貴豪斂手不半年縣稱治攝廉州知府時
福建列傳明八

七

福建通志
卷三十四

征黎兵與廉當孔道供餉繁費宗濬曲為圖畫民弗擾還南畿太平同知
有大獄連百餘人數年不能決宗濬一讞而定部稱神明擢湖廣按察司
僉事整飭江防兵備修明法紀訓練士馬奸宄屏息屬郡縣饒賑聚萬餘
石全活無算等卒於官士民哀悼從子廷稷字民育嘉靖辛酉舉人授萬
載教諭遷營山知縣邑大寺僧多藏婦女廷稷捕治諸僧廢其寺為書院
徵南京御史上大本務凡六疏俱報可還湖廣僉事分守斬黃蘗有巨姓
以竊盜致萬金廷稷說得實治如法一州稱快擢雲南右參議撫恤諸司
並受緬夷約束獨本邦罕違忠不肯服逃入永昌議者欲驅之去廷稷謂
人以窮來歸棄之不仁折而歸緬則本邦失本邦失則滇之藩籬撤矣其
後罕度受誅岳鳳獲擒皆進忠為耳目人始服其遠識轉四川左參議罷
歸卒年八十餘以上道光舊志

詹榮字仁甫別號角山尤溪人曾祖旺洪武間以戌籍隸山海衛入海山
衛籍遷隸山海衛已歷四世據崇年十一補諸生嘉靖丙戌成進士授戶

部主事權稅河西務監兌湖廣皆有廉幹聲進郎中督餉大同大同總兵
李璡駁士嚴軍士不附屬寇窺塞下瑾令卒浚濠四十里遇寇騎刻日竣
王崇謙殺瑾守臣以聞詔遣邵永為總兵合總制劉源清督師討之叛卒
欲誅首亂自贖源清不許趨攻之不能下乃相與謀灌城榮曰雲中重鎮
以數十叛卒隨其城非計且鎮人何罪而以爲修某謂爲公下此城乃密
約都指揮紀振遊擊戴源等討賊而私察叛卒馬昇楊麟無逆志有才畧
可用爲請貸死界三千金使自募士昇麟遂計擒亂首黃鎮九人斬之又
捕斬許章等二十六人縛獻王寶等二十八人內外鎮伏乃開城門延總
制總兵巡按以次導從彭吹入拊循城中城中人皆歡呼動地曰微詹公
我曹皆魚肉矣自變起迄事平凡五閱月焚掠無算衛榮所部錢穀儲糴
秋毫莫敢犯論功著光祿少卿榮還南京太常少卿二十二年以右僉都
御史巡撫甘肅甘肅與諸番大牙特肆侵掠榮宣威德勸撫兼施境內晏
然晉陝貢使雷甘州者九十餘人總兵楊信驛以御寇死者十一一榮言
福建列傳明八

八

福建通志
卷三十四

彼以好來而用之鋒鏑傷達人心且示中國弱詔奪信官舊死者送之歸
番人悅服踰年以大同巡撫趙錦與總兵周尙文不相能詔榮與錦易任
俺答數萬騎入掠榮與尙文擊之黑山陽論功進副都御史寇復大舉入
犯中路參將張鳳等陣沒榮與尙文及總督翁萬達嚴兵備陽和而遣游
騎邀擊斬獲甚多寇引去代府奉國將軍充灼與其黨張文博等謀亂爲
寇內應又遣人焚諸草場絕芻牧以困吾師榮偵獲之充灼等俱伏法榮
以大同無險乃築東路邊牆百三十八里墮七墩臺百五十四又以守邊
當積粟而近邊宏賜諸堡三十一所延亘五百餘里圍治之皆膏腴田可
數十萬頃乃奏請召軍佃作復其租徭大同歲市馬牛秋冬則聚而遏寇
帝立從焉寇入犯尙文破之彌陀山斬一部長榮先以靖亂功進兵部右
侍郎又以繕邊破敵索被獎資召還理部事轉左尚書趙廷瑞奏榮署部
事奉行防秋十事已而萬達入爲尙書遭母喪榮復當署部事辭疾乞休
帝怒奪職越二年卒當榮之撫大同也萬達爲總督尙文爲總兵三人皆

有才畧寇數入不能得志自後代者不能任寇無歲不入嗣明年俺答薄京師誦者謂萬達在寇未必至此萬歷中榮孫延為順天通判上書訟榮功贈工部尚書子卹如制著萬曆九年溪縣志

卓邦清字若泉福清人嘉靖戊子舉人卒業太學與徐繼王宗尹蔡天應徐應元輩日會博士堂辨論正學又受業於歐陽德久之授烏程教諭擢東光知縣以憂歸莆田莊孝子名賢者慕邦清名遠來赴弔卹月餘卒邦清為厚斂如禮返其柩於莆服闋補新泰知縣節省休養通戶歸者二千餘家調富川有監司橫索屬縣金邦清無所應棄官歸馬孫稱其儉素寡慾寄情海上放翺太清有道之士也孫曾唯字孔宗邑諸生學問皆治文章亦典重有法

李仁字靜甫晉江人少慧家貧不能購書輒借讀成誦有試其才者與書數十種期以一日歸仁如期歸之隨叩隨應無失字還其強識如此從易時中學時中圖器之嘉靖戊子舉鄉試授惠州推官繩奸吏以法民有非福建列傳明八

九

福建通志卷三十四

幸者悉平反之句稽潮州主藏吏更多侵牟陰以賄求脫立節之按如法巡按到惠州其所親為奸利仁持之急巡按不憚仁曰吾愛此三尺法豈恤其他巡按委仁督運欲藉此罷之已知仁即舟車費乃數服推重署府事盡罷諸不便者脫博羅良民數十人於死與寧饑發廩捐貲以賑權戶部主事值邊警獨舉立辦等視京官時錦衣陸炳勢重門隸費取利一啓倉輒譁而入仁怒曰若何官從而敢闖入廩中以緹騎對仁曰吾知有法耳立杖之炳大恚然無如何總理孫某欲私其里人委監收仁曰與例相左一運官上歲餉不如格出孫書為解仁弗啓曰總理安得有書偽也法者吾與總理其之誰敢私者孫益怒以詰語問部堂官素知仁令設鹽南畿命下而卒囊中僅書數十卷而已子光緒字宗謙二歲而孤長師事蘇潛萬應乙酉舉鄉試第一屢困會試遂絕意仕進著述甚富尤喜序節烈忠義事座主之子開府閩中足未嘗至門尺牘往來論學論政絕不及私學者稱表一先生以上道光舊志

鄒世威字中孚長樂人嘉靖己丑進士適臺省之員選諸新進士中衆議赴世威曰總脫章句臘司耳目毋論躁且虞曠也竟不往授戶部主事監通州倉一日忽心動疏乞南徙以便養未得旨而丁父憂服闋補刑部員外郎卹刑陝西死四九十六人時已擢廣西僉事當事得陝案者言其持平改注廣東遷江西大學士夏言家居撫按及藩臬詣第修謁畢由掖門進世威呼問者語之曰相國誠尊然奈何使邦大夫踰路旁趨還音刺去耳聞者錯愕關中門乃入巡撫汪元錫請言靜上清宮以祝釐為名諸官皆從世威視祝辭相國祈子耳語其餘曰吾儕非相國私昵胡為乎來拂衣出比焚錄強世威署名不應言志未幾轉浙江布政司參議道官還朝道杭州還人來告臺院諸司已駕出城世威以職務辭言愈嚴令巡按御史楊九華論罷之九華肅世威無他疵置勿論言復令掌銓者中以大計徐階為吏部侍郎陞阮之嘉靖二十六年夏倭寇竄台巡撫御史鄧懋卿壬人也希言指劾世威失律謂巡撫速聞會言敗得已臨海中津橋福建列傳明八

十

福建通志卷三十四

增鹽額歲以數千計世威議削商籍以所增稅與民台州人戶祝轉江西副使會嚴高柄國族黨譴害其於言副使嚴熈高戚也抑買屢吉田千畝世威佔平直常田振饑民熈特膏書屬之不聽會入覲絕一切餽遺豐城知縣韓弼安福知縣黃展新新城知縣陳溫皆以強項忤豪權注下考世威以次申辦言所枉狀得移中上事竣歸益議餽遺之禁謂罰錢所儲穀備水旱及早非常今肺石而徵之僅饒而靡之是奸國法也取盈於公廩而尾閭於權門是奪民救也境內卒有數千里之災一旦欲儲三月糧球千萬人之命奚可得乎議寢不行江西一署提學兩監試事得賢最盛而譚綸為著云還四川參政念嵩父子終養已致仕歸萬敗申外交薦起南京右通政隆慶元年召為左僉都御史轉右副都御史還南京吏部右侍郎改北刑部張居正為政厲威權以屬禮願使九卿世威歎曰吾方壯時忤貴溪分宜幾陷虎口今老矣安能以僅免之身便辟新貴人前哉遂謝病歸世威通籍數十年朝野參半對大僚臨下吏與農夫處一水於至誠

其學一以濂洛爲宗取六籍及先儒語錄其精者獨證於心以待耶家居環堵蕭然躬課耕作客過諸田間曰爲我報王人翁世威諾而入須臾衣冠肅容卽向持刺人也萬曆十二年卒年八十二贈刑部尚書諡恭介子應饒字昌叔邑諸生以隆慶大常典簿出爲南寧通判奉檄督饒運於廣東其法如官市率用母錢二萬八千餘兩半子錢往廣西費應饒兌價用原封識不名一錢提舉胡某曰舊例督運官私市鹽附船償往來費鄭公自裹飯來乎其後颶風大作沒鹽運直三千金往接船人及押官等所私市幾二千金獨缺千金應饒爲衆祈免得報可應饒笑曰若如舊例能使衆聽我償乎擢桂林同知以疾致仕歸

著懷草

李士文字在中連江人正德丙子舉人授高明教諭嘗從魏校講學作經義以訓諸生常道薦爲嶺南師範第一等以父憂去生徒走送百里歸講學於九龍山麓登嘉靖己丑進士除南京工部給事中會星變疏陳六事一曰接賢臣祖宗朝時御東閣門或左順門與便殿自公卿以至科道等

福建列傳 明八

土

福建通志

官皆得召至御前從容商推是以情得上達政無偏任其後盛典遂廢偶或舉行所召見者不過一二親信大臣平臺一宣己爲希幸卽有建言傳形章奏然文不能以達情言不足以盡事伏望陛下於視朝經筵之外不時召見乞賜霽顏面咨政理務使羣情旁通幽隱悉達則君臣一體而庶事可康矣二曰集廷議我國家推用大臣擬議大臣必集廷臣其間直諫公平者固多然忌刻阿私者亦不能免人懷一心執一見其始則各違異說以行私其終則互相排擠以圖位臣不和衷諫不盡一事體安得而公國是何由而定乞勅在朝大臣務同寅協恭虛心體國議不必出於己惟其是之從功不必出於身惟其事之益無阿比以爲同無疑忌以爲異陛下採擇酌中而用之則舉措得宜民受其福矣三曰恤民困南京鋪戶之負累輒至破產里甲之繁差多至逃移根本之地如此推之天下可知也官吏之貪饕則指修理賑濟爲名而肆意科罰里役之徵派則指斛面科爲由而多方措克貧者日匱如河間諸郡京輔之地延安一

帶近邊之區饑寒困厄父子兄弟不相保惜其他可知乞革額外之徵停不急之役裁無益之費汰冗食之徒仍令撫按務嚴科罰之禁勿貸贓吏之誅則貪汙有警而民困可蘇矣四曰弭盜賊邊患不獨西北爲然東南諸藩亦有可慮者兩廣則獠僑爲患福建則海寇出沒兩廣之寇在於招撫之復殺則疑其心福建之寇在於捕緝捕之無方祇助其虐乞勅巡撫方面官設法防禦招募民兵嚴訓練之法重賞放之罪其坐視民患與妄殺邀功者則置以法如此則盜賊可息而民安矣五曰審人材今吏部之用人多以名次之後先分內外職且如知縣知州其貢至重進士僅二十以上者率授以是職恐未必無廢事也乞勅吏部凡進士入選不問名之先後惟視才之所宜州縣之長必擇才識老成者爲之則庶職勤而治可興矣六曰端士習今教道久弭士習日壞徒長浮誕之風益增奔競之習官邪日肆治效不臻職此之故乞命督學憲臣嚴加考核務窺其實行而不徒取其空言至教職尤必精選務在得人則教化可興士教實行矣

福建列傳 明八

土

福建通志

帝悉嘉納之歷南京都給事中擢山東布政司左參政終浙江按察使家居布衣蔬食徒步里中巡按御史白書憐其貧欲以官地界之代爲營室力辭不受

鄭大同字于野一字皆吾莆田人嘉靖己丑進士授行人遷吏部給事中轉都給事中劾雲南巡撫應大猷於所屬有司有舉無劾違忌長奸詔罷大猷職時嚴嵩柄國大同私舍與相聯屬入直歸卽閉閣非有詔內閣盛諸科會議未嘗一私見分枝禮屬楊繼盛其所得上也遷南京右通政歷太僕太常大理卿皆在南更數年不召會吏部尚書李默再柄用乃改北旋擢刑部侍郎既而默爲高竇趙文華誣奏坐怨訴下詔獄屬法司索罪大同謂默廢策用事望誤無訕上意當除籍而高潛使人恫喝諸貴郎謂天子切責默罪應不實慎勿輕附默遂不可救而目大同爲默黨歸卒贈尚書大同爲諸生時受業於邑人吳祿及歸持弟子禮益恭嘉靖末祿死於倭大同爲位哭諸殯購其尸葬之

為由而多方措克貧者曰述富者曰圖如河見

魏一恭字道完莆田人嘉靖己丑進士授溫州府推官座王張孚敬有從
子在郡獄一恭論如律或謂張氏子非公座師猶子耶一恭曰執之而已
矣以此報座師也轉撫州府同知人為刑部員外郎有巨璫殺人禁地下
刑部獄尚書周鼎欲曲庇之一恭以法行自近對期雍惠汪考者諱潮
州府通判遷揚州府同知提廣西按察司僉事領提學以黜浮抑競揭之
公門遷浙江副使分守寧波有倡議於定海島中築城列戎者巡視都御
史朱統可其語一恭曰是役也非費巨萬更再歲不能卒事即卒事且波
濤激撼不數年又棄之矣統學守巡二道偕一恭往視既至統指書上下
指掌言便一恭堅執不可統不憚滿面番人交通無賴鬻販海上統逮捕
誅之遂以師提舉宴一恭語佐吏曰海上幸無事吾曹未嘗效尺寸奈何
言捷也宴之日宣令具金花綵自開府下至材官各有差一恭麾卻之統
目攝一恭一恭曰如也無何以他事論劾疏已發御史裴紳力言一恭有
盛名勃之且不利乃疾驅追還久之統竟坐罪人服一恭先見歷官至廣
福建列傳明八

主
福建通志
卷三四

西左布政使卒一恭起單寒刻意清廉有詆於御史前謂其詐者及卒御
史弔畢突入檢視裝篋如營間其家僅俸錢安在曰在庫隨呼問王藏吏
具對如僮言御史嗟歎去書其治微祀名宦
林允宗字希曾莆田人嘉靖己丑進士知樂清縣民有兄弟相計者故不
為理令退而思過卒如初臺使者檄游雁湯抗言邑疲不能具供張力止
之權刑部主事職晚建昌侯張延輪繫獄允宗稍為持平帝怒謫太倉州
同義轉肇慶同知久之復入為刑部郎中獻粵宗人獄有明允聲旋出知
衡州府值征苗召郡兵先是皆以罷民嘗賊允宗部良家子三千人往芻
糧器械悉備苗平全軍歸以母憂歸遂不復出卒年九十三
林性之字帥吾晉江人父堯與李聰論易復之福州從邵叛請禮記肅得
蘊與性之亦以易著名為諸生時僉事蕭某請為子師其風史以賊敗重
利陷性之乞為緩頰性之曰某知為師授弟子經他非所知也嘉靖己丑
成進士知麗水縣不立聲威民以事至庭開懷與語山谷老穉皆樂皆得

相聞有羨民十餘年名捕不能得者性之符至悉泐泣歸死邑故有密戶
以課重他徒則均其課於並寓居人不為害者性之疏除其額會道籍時
里中以竄絕自呈者三十餘戶吏言邑減三十餘戶官且得罪性之竟減
之遷南京戶部主事監龍江天策諸衛倉前倉曹賈賄納歲久過爛輒
繫死不能償則連繫其妻子性之曰奈何以升斗坐重法乎命發數倉粟
與其追爛者均於軍曰此一軍所虧粟耳得不坐於是諸屬感泣不復犯
法改北分司密雲時輪邊金者例加什之一性之取中額而己於商人不
便者輒申白之巡行堡壘御戎卒邊人咸悅事竣還京奏督十一草場
會邊事急諸道調發咸聚京師責委憂性之所督場入盈數萬還員外郎
監天津倉值倉粟已空又寒凍餉阻軍無所食性之請發旁近德州倉粟
給天津軍三月食或謂於法不得相借性之不為止朝廷竟從其請當是
時倭性之一軍幾亂等以病乞改南遂遷南京戶部郎中過家卒子一新
尚新

福建通志
卷三四

福建列傳明八
一新字震起嘉靖丁未進士授戶部主事督餉天津咸寧侯仇鸞提大兵
特寵自尊重諸部郎督餉稍不如期多危中之一新戒諸分屬為期會走
開道身趨之餉悉如期至竟不見驚而返恩郎中遷江西按察司僉事嚴
高富事家僅犯法杖繫之豐城隍決為重案人稱林公隄進雲南右參議
坐事醵秩久之起湖廣僉事進參議遷江西按察使復以忤南鎮巡撫論
調尋起雲南進右布政赴京張居正其同年也素不通問問公府一謂居
正惡其遠已職給事中陳某論其年老令致仕家居蕭然自守餉餉幾不
具人謂林氏世清白吏 尚新字特起為諸生篤志學問孝友恭讓自號
懷畏子倭寇起挈家避城中而身守先人廬倡其鄉人築堡禦寇一新
子可宗邑諸生流治史傳事父至孝尚新子豫宗字和仲好修敦行豫宗
子茂先亦有孝行以上道光舊志
莊用賓字君不晉江人嘉靖己丑進士授行人使蜀盡卻藩國供餉給事
中劉侃當使琉球以母老未子相持泣用賓奮然曰古有以柳易播者願

代之轉司副選刑部員外郎出為浙江按察司僉事理冤獄靜兵防船肅然餘姚知縣顧存仁以亢直得謗力為前雪其後存仁擢給事中以諫繼王守仁弟與人訟被訟者死於獄所司當王重賄用資力爭得不死上廣承倚離使私人貪恣不法暴其狀黜之學官懷言於御史議修葺御史謂疏動帑金非使用資曰院移某道饒某鄉士夫金若干果皆疏動耶御史大根論調用資時年僅三十一家居四十餘年絕意仕進一介取與不苟考親睦族行鄉約開水利邑人受而敬之倭寇犯閩中劇賊王元爵等乘機交煽郡皇皇且不保用資練丁壯躬督率防禦多所捕殺城賴以安當寇盛時遠近村民爭逃入城勢急甚城門且閉多相擁入水中用資力請當事願身守南門外令得魚貫入全活以數萬計賊據無所得乃發人家取贖而恨用資甚掘其父骸以去用資拊膺號慟乃傾家資募死士得百餘人與弟用晦分將之逕奔賊營賊方追官兵急用資招官兵使乘高為犄角毋輕動已乃約束部伍出賊不意突其陣遂大敗之乘勝連破十福建列傳明

主

福建通志卷三十四

三寨獲其父屍以歸賊見用資兵少復悉眾來追用晦殿與其僕俱戰死用資回戰益力僉事萬民英指揮歐陽深等以水陸兵齊至用資泣曰某以父弟之仇假官軍威靈願更一戰子鳳章突陣負骸并用晦尸以歸用資乃致月舟中轉前攻賊營官兵繼之遂拔賊三十三寨斬首百餘生擒十餘人奪回被擄男婦二百七十餘人時嘉靖四十一年也倭寇既潰元爵就撫泉郡悉平撫臣以聞久不報而用資卒矣萬曆二十二年倭寇朝鮮鳳章為國子生詣闕言狀帝方欲錄當年擊倭者以鳳章材勇詔贈用資太僕寺少卿官用晦子百戶予世襲春秋祠祀用晦子君顯邑諸生鳳章字誠夫當諸闕言父狀時留滯數年資奔已罄猶叩訴不已入謂一介書生奈何言父四十餘年功親天子恩而鳳章竟得請人亦稱鳳章孝子云鳳章嘗游李材之門有志斯道客死武清武清令曾曰唯為之殯殮後祀用資崇賢祠以鳳章配聞書泉州府志

飛一俊字君裴晉江人嘉靖己丑進士授戶部主事十年典試山西得士

最盛遷驗封員外郎一俊長於詩與唐順之諸人韻頗於人材多所推進獨斤斤功令罔敢少訛尚書汪鏐欲違制巧封執例格之鏐志甚以他事中一俊下詔獄一俊上章自辯帝奇之得改南京兵部出為浙江參議歲早蝗多方賑卹民以無困蘇寇餘黨潛入海島為亂一俊討平之所駐近天台暇則以兩人持墨汁斗許每遇名蹟峭石則題墨淋漓投筆大笑巡按聞之弗善也以計典落職歸三十七年倭寇起貽書京師請發帑給兵餉遂登陣濱濠畫地而守矢石奮竭皆身當之寇奪氣去其風致如此子望槐望棟孫履豐履朋望槐字彥木為諸生工詩文下筆數千言尤熟義行族黨有自鬻及鬻女者皆贖以歸趙光輝者望槐童時師也貧殯無子為別常電安并葬其家七喪包氏子者父故諸生父殯凍餒不能自存走告父客無應者望槐食諸館中令習傭書業成乃聽歸望棟字彥宇嘉靖戊午舉人知荆門州地當孔道供億絡繹值丈畝民苦流困望棟一意安戢之有勢豪詭藉州印奪民田廉其故勒還之民輿論稱快竟以是福建列傳明

主

福建通志卷三十四

中謫改隄州長史調楚府道卒望槐子履豐字中熙萬曆丁丑進士選庶吉士授編修冊封韓慶二王御金帛饒大學士朱國禎為諸生邸舍相鄰見其父奇之曰館閣中人也遂與定交踰年國禎果殿試第一時服其藻鑑十四年同考會試所得皆知名士同邑何喬遠黃汝良與焉重修會典成還修撰充起居注及經筵官丁父憂歸卒履豐天性孝友事父先意色養弟履朋病中夜調天願以身代見人所長汲引不遺餘力或聞有過損覆周旋惟恐其失名檢計趙用賢性張居正杖闕下人多避之履豐獨左右焉同郡刑部侍郎洪朝選為巡撫勞堪所陷死獄中滯屍三日履豐方北上訟言出之為經絕極贈乃去

陳憲晉江人嘉靖己丑進士荆州府同知內除御史巡按河南劾陝西副使賈應春貪黷應春謫山東鹽運同知憲亦生貶終湖廣副使黃光昇字明舉晉江人高祖永為永春諸生洪武中因通學諸生許奏教諭被逮至京革為民永時醫年廢戶部吏因典簿書習法律尚書奇之以

人材舉授本部主事選員外郎出爲寧波知府以最調湖州歲饑賑貸有法以餘閒修水利復調知廣信府先後二十七年勤民若節終始不渝光昇嘉靖己丑進士知長興縣年僅二十四長興故劇邑賦繁而多處糧積通彌甚光昇躬自綜覈定輸收策俾各以頃畝自實吏民莫敢隱蔽賦爲一清召入爲刑科給事中改兵科時夏言當國凡給事有違旨奉旨處分即造內閣謝光昇念旨出朝廷奈何謝閣獨不謝言與尚書霍輅武定侯郭勛互相詆訐光昇昌言大臣宜和衷而各分町畦非所以尊朝廷定國是言銜之出爲浙江按察司僉事改參議言既再相道出衢州人事伏謁光昇還持刺候導而已言益銜屬銓曹中以大計而昇時徐階爲吏部侍郎獨知光昇持不聽遷廣東副使歷四川參政廣東按察使光昇在浙江軍水利力排衆議修築海塘法盡善後人則之至今稱黃塘又復諸賢誠湖着洩山陰會稽蕭山諸邑水在廣東職巡視海道兼莞市烟廣東民多扶大舸入海與夷市間起爲剽掠爲嚴干振置稽曉籍下令捕海寇者福建列傳明八

志

福建通志卷三十四

予所獲財物民遂不爲盜海外夷以市來者故有緝算王進更侵蠹其入總什一耳光昇更爲徵令吏稅十減六而課人反倍已獨鐫錄不染後卒有能繼其廉者安南莫正中與莫添異爭立敗而來奔其門范氏藩氏以兵攻欽州索正中亟是時前大猷爲將光昇集舟師檄東莞新會兵密授大猷方畧伏兵海島連戰大挫之二酋奔逃莫斬以獻聽欽連山崖州黎亂勒將士討定之繼渠魁而止新會盜陳文伯剿掠四出光昇會兩副使討之諸將獲一賊尸而緋袍衆目爲文伯將上功光昇引狄青事止之遂中較其不欺如此陞四川右布政使進左副都御史巡撫其地光昇官蜀久洞悉利病乃重編全省糧籍吏無得以意高下核秋糧餘米爲勢家詭匿者抵免丁徭物料之派遂著爲令嗣鹽司聞課難商民困又奏停取丹砂免採鑿金勾停水陸郵傳歲省民財數十萬會建三殿需大木四川加派至一萬六千苦偏重且未必至土官番夷地乃得光昇計都邑大小道里遠近爲程量轉借漕輸不加賦而官給帝獎其勞時嘉靖三十六年也

越三年陞兵部侍郎兼右僉都御史總督湖廣川貴軍務屬苗亂光昇選將俞大猷石邦憲安大朝等屬以兵事諸酋聞風大解遂宣布恩信而誅勦其負險怙亂者撫降二十八寨招回流徙六百戶鎮寧有營薦大猷爲參將卒平之召爲工部侍郎提督大石窩等撫南京戶部尚書貼嚴嵩秉政光昇絕不與私交嵩亦探輿論用光昇而徐階又從旁推轂四十一年遷刑部尚書戶部主事海瑞上疏政失帝怒其違輦瑞光昇擬子罵父律以進會帝崩瑞得釋當帝疾時怒至不可忍不獲更辟進帝必愈怒瑞立死矣故少安帝意傳就長繫後人乃責光昇媚旨縱瑞未諫其苦心也按此本閩書所載近於曲筆然終光昇之當刑部也世宗在位久譴戮不測光昇委曲調劑爲多管疏陳五事曰嚴誣告權輶重詳訟詞懲奸慝省佐證帝嘉納之給事中沈束以建言繫獄十六年光昇疏請獨宥遂得釋通政司參議胡朝臣坐事論戍非其罪也光昇力爲昭雪竟得解陞慶初請老歸居四年召爲南京刑部尚書疏辭弗允高拱驕私人福建列傳明八

大

福建通志卷三十四

劫之乃罷還光昇起家縣令至尙書引大體達事情居鄉嚴重諸年八十一卒贈太子少保諡恭肅子喬棟喬植喬棟字以藩事父至孝父或怒喬棟終夜跪寢榻旁不命不起以薦授南京中府都事應臨安知府父歸老喬棟亦歸養喬棟子題喬棟亦以孝稱喬植字以培嘉靖甲子舉人喬植子炎字望甫萬厯戊戌進士知南海縣稽番船商自言應納額母憂服除補知餘姚有山湖爲盜邑水利豪家旁侵爲田請漸除之擢南京戶部主事賜書進南原委道光舊志
蔡克廉字道卿晉江人少與梁懷仁相稱神童弱冠同舉嘉靖己丑進士克廉除戶部主事選員外郎先是大同軍譟逮總督劉源清下獄克廉言殺邊鎮大臣以快叛卒非國體且源清先有助破長梁功請有之源清得毋死張延齡者孝廉皇后弟坐罪下詔獄克廉言其傷皇后心且責之帝怒責尙書罪克廉坐謫廣德州同知州故職停罰政事爲嚴峻克廉獨先教化久之量移廬州同知遷江西按察司僉事順京副使皆領提學道所

拔兩省士多為名臣累擢操江僉都御史倭薄太倉城時克廉駐蘇州馳入州城百矢石募僧兵督將士固守飛礮擊殺賊二千餘人賊乃遁去尋巡撫江西還副都御史總督漕運入為戶部右侍郎轉左進南京戶部尚書時年四十九耳會卧病署中而振武營以減糧故殺侍郎黃懋官克廉生能歸克廉初與懷仁及王慎中以交行相砥礪後以與唐順之羅洪先鄒守益諸人在復討論卓然有志於道當官類敏裁處如遊刃以才見知嚴嵩而於嵩不能有所救正世嘗以此著論之然為侍郎時尚書方缺而克廉獨乞南京實能引嫌自遠云關書萬景疏

澄源字子定萬歷丙戌進士授戶部主事歷郎中權稅崇文門督通州倉監江西漕皆著清節出知桂林府卻辭商關引金革府吏加掾入資者又革屠牛肆之納餼者歲不下千餘金屬軍興餉乏議者欲更舊釐入納出所展不資澄源謂以一時小利百世受害力爭得免人觀父老為養千金佐費謝卻之擢貴州按察副使備兵畢節為宣慰安撫臣所轄部羈縻廢之澄源外制以法內推心置之羈臣以是畏服播西楊應龍為變朝廷出師征之命驅臣出兵助戰巡撫郭子章屬澄源監軍驅臣與應龍實督苗交內懷觀望數張皇檄澄源不動驅臣知不可遏喝遂進兵大勝捕兵於大水田斬首萬餘級復燒之於桃溪衛應龍敗亡入海國於是驅臣獻計請繫開後路以進潭泥險阻諭月至其處應龍投首先是征應龍時懸賞格許平賊即以其地償安氏既賊平地未及償而安氏有叛目輸安氏情於總督謂其侵播州沙溪渭河之地總督責安氏議正驅臣安氏謂沙溪渭河本水西故地且謂許地不償併削故部以益播忿不受命諸

福建列傳

明八

千

四

通志

四

通志

四

通志

四

通志

四

通志

四

通志

四

為去雷執益堅克服辟兩所驅使浙江總謀利數也巡撫御史不無所望富絕不應御史志欲貽以無所待商人餉未給贖而死者二三十年商人子來訴其哀宮嚴給之御史喜以為得開勒商人子無完膚商人子曰死則死耳敢汗清吏改竊商准立顧應安解之法以絕私徑屠牛年還四川參政蜀人樂其寬然廉靜又呼為洪佛時總督張居安朝命出師湖廣徵餉於諸省四川巡撫李春以賑場彼此為辭富曰王事也莫非王土況督撫名統四省乎居又欲調蜀土兵萬人春欲以先年調征之兵應之富曰年還人易奈何以紙上虛名應事前實用既屢更春性喜歸士餘年卒富寬凝簡重為諸生時交易於吳鉉林同儕舉鄉試時富方為祭酒延為其子世蕃師及富柄國絕不與通世蕃時致問富第之忠孝而已當官早作夜罷案牘無滯人或謂之曰公何日若如此富曰官以萬民也稽一日民多一口費可以一日病百千人之一日乎

林梅字魁春一字以利漳浦人嘉靖己丑進士授戶部主事督黃土諸倉再督九江關釐草宿弊秋毫無染歷郎中督運糧儲無後期者權勢關稅俱不行或徵調之梅曰吾所知者國法耳倘書字違制東之事無巨細咸與商榷輒成夏熟帖勢奏復莊田下戶部議梅為不可忤權要意出為奉

子誠

安知州人有戚之者梅曰京畿內外莊田咸為戚所據命官清刷而歸之官此嘉靖興革之新政臣子所當恪守也夏勳首欲復之國家良法從此而壞吾之罪豈止於遷謫哉泰安故通逃數多訟稱難治梅誅黜強梗剽除奸弊州民編後沙河荆門諸驛正戶作奸虧損貼戶久為民患梅乃差民實產厚薄為九等彼此融派力役始均踰年轉慶遂同知父老還留脫粹以志遺愛等丁母憂服闋補南安視事數月豪強屏息提南寧戶部員外郎遷禮部郎中卒官囊無長物惟圖書萬卷而已梅嗜學雖久仕不廢求異書不吝重資公務之暇繙閱每至夜分故其學日博又日登有名以上道光舊志

米榮字仁夫邵武人從周禮請良知之學嘉靖戊子舉於鄉入南監監酒湛若水曰仁夫吾友也不應商諸生王辰成進士除太平府推官母憂歸貧甚知縣葉朴重其品以廢寺田二百畝還之謝弗受服闋補銅鼓知縣巡撫檄審戶册授以意榮爭其非便隨官行之擢兵部主事進員外郎遷福建列傳明八

湖廣按察司僉事歲歉權宜振濟氏有得米則生之謠寧鄉饑民勸募出奇捕其渠餘不問長沙巨寇梅曰等勢相倚榮設策反間令自營殺不煩一兵餘黨解散遷右議政

林應亮字熙載侯官人春濤子也少從父宦京師賦三忠祠詩鄭善夫覽而奇之妻以女嘉靖壬辰成進士除湖上知縣調秀水秀水富三吳孔道苦供億故事官舍所需悉備里甲役一人謂之婦牌應亮完立裁之廉聲大著有道士寄居僧寺被殺誦方委罪主僧僧既服應亮疑之跡得殺者王名乃釋僧一郡驚為神明明則進諸生開釋釋義又喜吟詠篇什傳吳越間而邑事益治十六年擢戶部主事再遷南陽郎中出知常德府

常德多峒蠻居民渴敵而榮府官校又挾勢禍人號難治應亮核兵餉肅郵傳繕官校不法者置諸理榮王梅謝諸日瑤屏息擄手戒毋犯一千四年遷廣西副使兵備府江諸土司爭為盡力抵禦空風歛盜累遷廣東按察使官總勢家奴以謝諸生平清遠四會寇轉廣西左右布政使以順

官改北督倉場嚴嵩為禮部尚書故嘗知應亮及為首輔應亮無殊禮嵩及子世蕃悉其為廷議遣大臣赴薊州督餉練兵嵩欲用戶部龍良吉應亮曰督餉者督京運乎民運乎若二運已有職掌深官徒增擾耳兵之不練其過不在是即戶侍出何益嵩佛然罷會令都給事中張益劾應亮請之南京旋晉戶部右侍郎以父老力請告歸應亮長於詩少與王慎中皇甫濂諸人相切劘得王孟章柳之遺文仿歐陽為藝林所重

陳仕賢字邦憲福清人為諸生有孝行以名節自勵按察使某欲祀所親於名宦調縣具牒督學詢諸生仕賢獨抗言不可議遂罷某端王辰成進士授戶部主事應郎中出知杭州府衣不重綵食無兼味務瘠己以靜民市舶中責人不法為民害仕賢抗疏論之巡鹽御史苛責屬吏仕賢白御史郡事劇請五日一謁卒無以難當官不事操切而事簡政平吏民咸樂焉飛來峯有元僧楊璉真珈像遠三百年莫有言者仕賢見之叱曰何可遺惡跡以誣吾名教命斬之聞者稱快遷湖廣副使累轉浙江左布政清福建列傳明八

白之操始終如一擢副僉都御史巡撫湖廣先是趙文華視師海上有所要弗遂心嘩會是中林小吏仕賢請調停再疏寬租免役以固根本科臣承風旨以詎不任事中之罷歸文華敗還按李邦珍薦諸朝命未下而卒子世良亦以孝友著倭陷邑城人多被掠世良嘗奪回三百人以貢生終闕書福清縣志萬應杭州志

薛廷寵字汝承福清人嘉靖壬辰進士授行人選吏科給事中奉使朝鮮擢都給事中嘗疏劾諸大臣皆當時用事者有旨罰用數人諸大臣以廷寵言直俱不敢辯獨嚴嵩為禮部尚書新有寵辭之廷寵復劾嵩史部提出之外或言廷寵賢不宜使去適止未幾卒貧無以斂鄉人為治喪廷寵內行修事繼母李以孝聞繼室衛京師人也廷寵卒衛年十九父母憐其少又以閭道險欲留之衛不可扶柩返獨處一室親黨罕親其面遇廷寵忌日張遺像慟哭年四十餘卒

為酒卒有等其母往往至日中不能炊春拾穗行歌無怨色嘉靖壬辰會試第一於進士除戶部主事調禮部再調吏部督糧官泊淮淮安守某以次調客居畢始及養供饌又薄若不知為吏部者後寄入親考下當選調本府舊積勳郎中白倚書以過淮事聞之尋改文選司掌印官通光黃大廉字漢甫莆田人嘉靖壬辰進士知長洲縣征徭立三品格輕重惟均等積勳乾沒者一切置法豪行金諸要津便大廉大廉見過按御史色不善遠棄官歸後巡按陳憲察大廉奸疏起吉安教授還國子助教歷官至貴州參議點人素不知學大廉與諸紳較文藝士始憐風三賊工與諸採木貴陽大廉務靡費以戕民入賀萬壽諸人賀者皆私語嚴嵩大廉惟朝房一見而已六年不調嵩乞休歸更從開父老出谷申自里輩聚走送先是武選郎中張紳以劾嵩父子及賀陽大廉在開父老之金紳曰紳在此未厭嵩父子紳不足計公獨不為已謀乎大廉曰李侍行父有言見有禮於君者愛之如父子之於父母也大廉恨不終事君矣遂福建刻傳明八

福建通志卷三十四

撫其他遂與紳泣別而去後紳起為副都御史巡撫南嶺進入訪大廉久沒矣為恤其孤開書曰錄林華字號中一字莊彬莆田人嘉靖壬辰進士授刑部主事遷員外郎崇昌侯張延齡下獄華坐其累不問兩安州同巡按及督學建獄嚴言論令華王之昂終長涉同知江知府瀾江有湖田民時相爭至鬪殺華請於太史立為公莊收其租歸府縣坊廂費夏言以獄屬華不從嚴鄂按御史誣奏華激變逮繫詣獄兩行哭送者幾萬人逮者粵語且笑曰是真激變矣至京上奏自理諸大臣亦多言華枉乃釋為民家居十七年簡靜寡合連薦不起鎮江人立生祠祀之及卒民縞衣為位哭奠焉鄭汝用字宜濟莆田人嘉靖壬辰進士知南海縣立均平法核豪右影射弊邑有邑參政家人携殺園丁汝用置之法馬嬰之兩廣總督聞語亦微汝用無所饒獻竟論劾坐失職奪職為吏部侍郎南海人也知其邑政為日之吏應天教授詢勉多士必約以矩矱寡友有講學者汝用曰六經語


孟誦讀而躬行之即學也突噪噪為稍選國子博士轉南京工部郎出為湖廣按察司僉事築長隄以捍漢水汚人賴之守顯陵閱慶試者縱皇莊人戶侵奪齊民汝舟與御史包節索莊戶治之斌誅奏汝舟節枉死莊家憂廢廢廢詔且下錦衣獄錦衣使陸炳難重汝舟力為解乃免已轉江西石參議以風力開遷湖廣按察副使卒於官

陳讓字以禮按察使莆田人少孤貧營借書同舍生朝取卷還同舍生驚使誦之不遺一字舉嘉靖辛卯鄉試第一壬辰成進士授紹興推官置三江隔捍海患微拜御史會謹身殿災疏言宜與居有度以答天變執政愛其才令所知識之曰賢御史須少安靜讓對曰為我謝相公御史非安靜官由是與執政忤建昌侯張延齡久繫獄怒望時採摠傳志實罰無章書其端曰君道不明有劉東山者陰賊市人也亦在繫冀脫絏竊取延齡手書上奏帝大怒即日赦東山出延齡加等論新東山得計又陰致奸人劉琦誣延齡盜宮禁內督所告連數百人日鮮福建刻傳明八

言

福建通志卷三十四

衣怒馬恣行長安市莫敢誰何開臣具言曰誰能治此讓曰能時讓方巡東城與東山居近一日其父投牒告東山鬪弓射已幸不中讓立檄馬兵錢璘獲之東山急遂告延齡與兄鶴齡及其子宗說宗說為推背歷星圖騰銀聖母令家人往來仁壽宮伺上動靜御史讓與通並構遂安伯陳鍾等無慮數十人以悅上意奏入悉下錦衣衛窮治太后至衣服襦席簾為延齡等請不聽讓從獄中上疏曰東山窮結奸黨圖危宮禁陛下有帝堯既勝之德而東山敢為陛下言漢武巫蠱之禍陛下有舜帝底豫之孝而東山敢導陛下以暴秦遇母之誦若復赦此不誅則將睚眦殺人如郭解離間骨肉如江充矣且天下未有忽於弑父而可以領人國家事者惟陛下下詳察疏上帝頗悟指揮王佐典其獄錮得東山情乃械死東山而赦讓等讓復官一時名噪都下初讓嘗娶京師民家女為妾妾朱姓東山言讓娶宗室女實延齡姻家坐與讓通逮錦衣校按指至落並不承至是赦出京師中為語曰非獨陳御史劾去夫其妾亦烈女也既而帝相



陵天壽山大峪之陽將遷與獻王與興獻太后合葬焉下廷臣議皆極言不可帝不聽遂有日矣謬以海王不宜入福皇陵乃借堪輿家為詞疏言陛下仁孝懷惻遠在大禮論分則以配祖宗七陵之尊論情則以申慈闈同穴之儀前事則可共祖宗以為敬後事則可依壽陵以為安至矣盡矣臣特不忍遂虛獻廟已安之宅敢獻廟專以備採擇陛下御極十有七年百姓謳歌華夏安謐是雖聖德神功上帝歆祐之錫然臣得聞傳聞皆謂獻廟幽宮龍穴極美且以皇考積德敦仁下襲水土玉質為精地復為母意其中生氣元功細細會結必有紫黃點血玉液垂珠之祥禮曰葬者藏也欲人不得見也今出聖考玉魄於母孕之地如取之於胎雖梓柳重封錦囊百襲能無疑哉古人事死之禮先廟後墳是以黃帝成道登天羣臣葬其衣冠櫛骸葬死蒼梧之野葬九疑之山二妃未之從也臣妄謂陛下可奉睿皇帝遺衣納之梓宮以表冕與皇太后合葬大峪再以皇太后之遺冠佩轆轤之梓宮奉以合葬顯陵此臣之一見也若陛下必遷顯陵

福建列傳 明八

三

福建通志 卷三十四

以遂孝思則顯陵之在承天者當為二聖衣冠几杖之藏以當荆襄王氣此臣又一見也竊取黃帝衣冠槨陵之義兼取大舜九疑獨葬之禮北陵以配七陵之重而近又以慰陛下霜露之思兩陵以收一方之勝而遠又以昭陛下龍潛之跡在陛下之耳帝初覽奏怒其投於地少頃復取視曰此言亦是然猶詰問衣冠合葬之說於經無據奪議官黜為民既帝幸承天會行宮災士卒陷澤中多死帝亦念欲遷葬矣顧問夏言言曰諫止北遷御史是何姓名其疏安在方讓諫止北遷言謂諫曰上意已決可無言讓竟上奏及是言竟不以御史名聞讓罷家居每對客談時事輒曰是二三豎子能宰天下哉嘉靖末以壽終隆慶初贈光祿少卿讓為孫從弟少即稟孫教時王守仁方講良知之學從孫及蔡清遊者相率排之讓獨持平云陽明懼人謂格物只是讀書窮理故以格物為至於行懼人以致知為致聞見之知故加一良字又云陽明之學要歸在慎獨獨只是良知慎只是致良知與程朱故無異也

徐榮字仁卿晉江人幼篤孝父娶於吳不宜家又生子湯父出吳別娶生榮將長告以吳母狀即泣訴父請迎吳歸父不從而吳子湯益甚一日父召飲將醺之榮急趨爭飲父乃止榮密之母及兄所溺泣而告母兄懼且悔榮喜告父涕泣勸回父遂召吳與其子歸及吳母歿榮服喪三年如制人以為有禮嘉靖壬辰成進士知嘉善縣改東明遷南京戶部主事故為夏言所知及嚴嵩為相遂左遷趙府長史卒榮以春秋起家侯官王應鍾同邑王慎中皆師事焉子用賓孫鴻儀曾孫緒芳

用賓字子尚邑諸生嘉靖中邑荒疫用賓夜從一蒼頭背錢十餘緡以施日則瘞瘡骸其後早疫尤甚用賓家已落假貸以賑及侯選起官私俱困用賓賣田宅恤饑孺如曩時萬厯中以貲為長洲縣丞等歲督省米至蘭都有例羨能之遷無錫縣丞會吳中大旱死骸填路仍自舍中展轉得千金往賑竟勞瘁以卒

鴻儀字采伯父卒將輿輓吏白於令從後担出鴻儀以禮責令令不從郵

福建列傳 明八

三

福建通志 卷三十四

夫無敢動鴻儀率弟及蒼頭目昇以行竟出門如禮無錫士大夫咸重之初弟歸應試為姻家所連學使捕之急鴻儀曰吾父千里命弟歸試今獄急奈何乃以身代繫四月官署盡憐容

縉方字季開萬厯辛丑進士東林諸人善方候命為御史有偽書批激執政孫丕揚蔡向高以害御史劾國縉鄭繼芳等對劉蓋力排東林者因疑是書出縉芳及李邦華周思元徐良彥李炯恭手目為五鬼而五人故正人也居二年御史命下首為顧憲成謂論巡鹽兩淮馬堂者天津稅監也兼轄臨清始至亡命從者數百人白晝手銀鐺奪人產抗者輒以違禁罪之其後堂擅往揚州縉芳劾其九大罪有敢言名在兩淮頗通賓客鍾遭天啓開坐贓遣戍

何元述字元孝晉江人年十三張岳見其文奇之謂其兄曰此君家千里駒也嘉靖壬辰第進士出高叔嗣之門授惠州教授分校浙江鄉試得陳善茅坤潘季馴諸人擢國子博士歷南京戶部主事視太倉御羨餘千金

出為廣東按察司僉事有令許郡守中以黃語元述按其無他親詣府白解之擢湖廣參議中官使楚有諸大吏莫敢不恭元述獨行敵體禮鎮守監廖斌部下席斌勢驕而突兩司不引避元述直執問之還廣東按察司副使治海道署中積贖累千株連多至數百閱數十歲或數賊元述過搜閱可問問之久遠不可問詢於撫按悉除罷之商船所轄吏因緣取息為塞其實故事御史行部不至邇州推桌僚代桌僚亦以浮海難之元述舊然往道化州黎寇襲白沙驛人奔散元述聞行叱之寇愕曰不知為何使君也羅拜散去有兩勢家子最暴元述詰責之遂為所擠罷歸家居四十餘年年九十餘卒以上道光舊志

陳儲秀南安人父樂字亮和諸生時提學臬立威諸生就試無大小過輒被答樂以為非待士禮投筆棄去學官具言陳秀才經明行修不可使去有失士之謗提學使召之樂曰所以不試者欲長往以明志如往而復返是要上也竟不還儲秀弟嘉靖壬辰進士除行人使魯晉王厚贈之福建列傳明人

弗受擢御史清軍兩廣復巡廣東時安南方阻兵弗庭誠撫勸者紛擊不一儲秀與總督尚書王得道相議宜宣威德安南卒請降諭功賜銀幣序當提巡撫修城於夏言備儲秀為言所獎遂出為河南按察副使管河通判某者苛而墨與巡撫有連巡撫以屬儲秀儲秀廉得其不法狀款曰是固曷耐而應擾者顧上下相蒙以庇一墨吏如法紀何則傲下逐之巡撫聞甚適大計為言者所中罷歸懷寇起與莊用賀募鄉兵禦之南安無城儲秀謀於知縣夏汝陽城焉王道嚴入集道光舊志

內逢春字仁直同安人嘉靖己丑進士知崑山縣時顧鼎臣當國其子弟僥倖舉世中儲置之法鼎臣報謝崑山稱富縣每諸大戶領京進行則令寄書起居諸中貴人其儀物皆大戶為辦治聚金純緞惟令所命逢春悉絕之凡受賦輕重及獄當決與縱橫示胥吏不得鼠手會撫按異議條收不能盡遵逢春據理疏正之為南京御史江南北諸郡以歲時餽贈都諫為常於逢春人說不敢至曰是當為崑山盡罷諸獻遺者不可漏也

巡視江南倉庾汰黜貪庸風采甚振嚴嵩引私人簡東宮官保逢春首彈之帝為易置嵩所引用者嵩氣大沮欲中以事不得出為廣東按察司僉事分巡嶺南道時法久弛賊白日剽掠行旅梗塞逢春以修政息民為要易置將領選卒訓練指授方畧於是賊發輒復調四川職監屯利源所在豪石穴其中逢春綜刷成額按籍考要宿弊頓除敘州蠻叛殺掠吏民逢春知蠻狃於撫益驕非用勦不可復計蠻素以撫玩我因而誘之陽撫其四鄉而以勦一鄉為師名果得四鄉最桀黠者四十人盡戮之用是兵入有功俘斬以千計擢湖廣參議令稅附田以行不責逃籍通帶節冗事集而令不煩遷雲南按察副使未上卒

傅鎮字國鼎同安人嘉靖壬辰進士授行人擢南京御史車駕數幸山陵鎮疏諫帝嘉納之鎮守太監潘真奸賊不法彈治之尋補北御史二十年俺答大掠山西總督樊繼祖與諸將帥堅壁自衛而前後報首功至五百餘級鎮疏言繼祖目不見敵妄稱戰功繼祖坐視職武定侯郭勛獻事下福建列傳明人

錦衣孫綱推綱受賂委罪何英等以脫勦以旨御史覆治綱獨坐助及綱交私當就吏餘皆分別寬貸之出按山東妖人謝漢商大常作亂擒獲黨與甚眾綱論殺首惡餘悉放免入署河南道掌計事嚴嵩欲黜按察使一人鎮不從銜之出為雲南按察副使遷廣西參政有議逐流民者鎮曰彼亦民也奈何驅之擢湖廣左布政使進南京右副都御史提督操江以病乞歸卒鎮在河南時有治河羨金二百餘兩封識庫中後人指其金曰傳真金離合鎮名蓋廉鎮也萬曆中賜祭葬

林功懋字以謙漳浦人嘉靖壬辰進士知東莞縣嚴取吏胥寬卹里中疏通濬獄故事秋征專督辦糧於一人民不便乃令各里甲輪年分辦糧遂易完管權稅番船賄賂一無所受時指揮王寵偕行聞之慨然曰獨文臣不愛錢乎亦峻拒之夷人歎服為築節金亭巨寇許折桂既降而恣橫不法執而斃之獄民稱快馬擢南京戶部主事遷鎮州知府時巡撫朱統操法嚴切功懋濟之以寬張弛得宜陞四川副使兵備松潘邊將何卿有名

廣西按察使宋士安字士安字仁甫執父母喪三年不入私舍宗黨有不能葬者悉資給之歲暮獨以租施棺槨舉鄉試入大學祭酒王錫爵深器之萬曆庚辰選進士授行人禮刑部郎中出為承天知府致仕居官清慎平恕不矯矯立名入籍為修君子

李愷字克諱事安人嘉靖士長進士知番陽縣番陽故番舶所轄令掣稅恒遇廉滋取之愷如額而止夷酋歡呼奉千金為壽謝弗納人為稽勲王事周天佐疏數禍歸被廷杖死獄中屍出惜愷而歎之調兵部應車駕司郎中擢湖廣按察副使備兵湖北時苗寇橫發調三省兵入討誅愷抵任三月擒斬三百餘人餘悉招諭之龍科吳用馬諸魁皆來降賜溪山有猛虎三愷為文祭告白帝祠期以三日得虎越一日一虎跳而震二虎中毒天死苗人聞愷曰李公能受虎何難我輩相率降者復二十五寨愷方議即蜡爾山中設宣慰司使可絕苗患無何以母憂歸尋有言其跡跡者福建列傳明人

遂龍里中故有介山並職不治愷曰是可憐也遂開墾鋤耕隱其處愷安故無城嘉靖二十一年倭寇犯吳越開都御史王忬議城家詳不止愷獨決策首揭由為城址晝夜行視時出私財以獨三十之年倭陷福清直抵惠安知縣林咸方被議歸聞不出愷喟然曰如此則不若無城矣集父老排縣閣泣請令強起之日未中寇至攻城西北偏愷力戰卻之散財給士立賞購功凡立矢石開七日夜最後賊以布梯衝車敵破在頃刻愷且拒益勵死守會援兵至愷復行金開賊黨賊勢稍蹙遂遁時福清破旁郡邑皆震動聞惠安拒走之勢乃壯

游居敬字行簡南平人宋儒酢之後也父綸字邦濟以貢生授知縣寧縣除民蠶擾蝗災濟河道申減協濟鄧州去千餘民德之居敬登嘉靖王辰進士改庶吉士授御史以澄清自任不為嬖阿巡視盧溝橋清商人匿稅巡按南畿疏驛傳優累之辭舉吏更風解印綬時新學方興所至敬徒講誦居敬雅不謂然具疏極言之出為浙江按察司叵事精覈吏治官民便

福建通志卷三十四

利事禁湖游散戒壇俗為一變時他部有鎮役中瑄恣睢為奸利莫敢誰何撫按嚴居敬往治瑄不得肆二十年遷廣東按察副使督臣方有事故阻聞居敬來言引與共籌莫登庸卒款閩輸罪居敬有力焉二十五年轉湖廣參政明年擢浙江按察使就遷石布政使倭寇起軍儲鉅萬倉卒取給議者欲募土兵汰客兵客兵大噪居敬徐以數語諭之立散案摺石副都御史巡撫雲南雲南鎮守沐朝弼以奪嫡事為其寡嫂陳氏所訟朝命屢下切責對狀朝弼執政者益侵奪所屬民田居敬以分義裁之奪其所侵騰越州田歸之民朝弼陽順而陰銜次骨阿堂者東川夷酋祿茂之部目也祿茂死子位幼堂謀得其地因與雲益州夷酋安九鼎洽兵相攻連歲不解至是乃侵羅雄州逼會城居敬具疏請征之詔下會川守臣議議未上居敬念兵事宜速案至道謀將無成遂督兵徑進堂窘自刎死邊微復定故事調發吏兵非鎮守檄不應居敬疏請巡撫得兼軍務專調發分鎮守檄朝弼益恨屢短於巡按御史王大佐大佐遂劾居敬擅更師福建列傳明人

福建通志卷三十四

驛擾內地大佐故嚴嵩私人當嵩柄國澄官無不往謝者居敬獨不謝嵩從中王之遂被逮平擅調發調戍廣東碣石衛穆宗即位赦歸尚書吳繼林同及諸臺諫文章訟居敬在雲南有功負冤宜亟召用隆慶二年起南京刑部侍郎尚書缺軼署部事時高拱再起欲甘心徐階居敬聞語所善同官曰相國何太褊假使相國能畢應彈忠功施宗社此為善居徐公矣拱聞不悅乃振其門生以年老劾居敬而居敬有疏請羅從彥李侗從祀文廟拱從中調旨責其疏語太繁奪俸三月居敬遂乞歸尋卒賜祭葬如故事居敬恬淡簡素布衣蔬食所臥席十年不易漆枕櫛匣皆青矜時物謫戍日有太學生坐罪進千金託為居間居敬怒曰使我職死瘠鄉不失為清白吏能為若玷乎其學一以其鄉四大儒為宗斤斤繩墨見新奇可喜之論慶知也躬行實踐蓋真有宋儒之風焉子於北於廣於北字懷兼以恩貢授都知縣有巨奸殺人匿尸獄久不決於北廉得狀獲尸猶下奸大驚服再補醴陵率例丈田一洗徭弊邑稱公平於廣字懷約居

福建通志卷三十四